



## 1. DATOS DA ACTIVIDADE

**NOME:** V Curso superior de formación do técnico na Administración local

**GRUPO:** Servizo de Estudos, Investigación e Publicacións

**ÁREA:** Outros

<b>CUALIFICACIÓN:</b>	APROVEITAMENTO	<b>PLAN:</b>	FONDOS EGAP	<b>HORAS:</b>	120
<b>ADMINISTRACIÓN:</b>	AU LO UN ES CI	<b>ESTADO:</b>	CONVOCADO	<b>ANO:</b>	2014
<b>MOD.IMPARTICIÓN:</b>	PRESENCIAL	<b>TIPOLOXÍA:</b>	SUPERIOR	<b>EDICIÓNS:</b>	1

## 2. DESCRICIÓNS

### DESCRICIÓN CURSO

O obxectivo deste curso é dar unha visión actualizada e completa, dos coñecementos necesarios para o desenvolvemento do traballo do técnico no ámbito da Administración local.

Búscase afianzar os coñecementos dos técnicos que xa exercen as súas funcións neste sector, así como presentar de forma estruturadas, todas as materias que afectan ao día a día da Administración local.

### DESTINATARIOS

4.1. O 30% das prazas (15) ten como destinatarios aos empregados públicos das administracións públicas de Galicia, tanto autonómica coma local, e das universidades do Sistema Universitario de Galicia que estean en posesión do título de doutor, licenciado, diplomado, grao, arquitecto, enxeñeiro, arquitecto técnico e enxeñeiro técnico que se encadren nalgunha das seguintes categorías:

4.1.1. Pertencer ao grupo A (subgrupos A1 e A2) do persoal funcionario.

4.1.2. Pertencer aos grupos I e II do persoal laboral.

4.1.3. Persoal eventual que acredite a súa condición co correspondente nomeamento específico.

Este curso valorarase con 1 puntos a aqueles alumnos que tivesen sido considerados aptos á finalización do mesmo e, polo tanto, teñan dereito a certificado de aproveitamento, sempre que cumpran os requisitos para a aplicación do establecido na Resolución do 26 de outubro de 1994, do Instituto Nacional de Administración Pública, pola que se establecen, de acordo coas comunidades autónomas, os criterios de recoñecemento e valoración dos cursos de formación e perfeccionamento de Administración local, en cumprimento do establecido na Orde do Ministerio para as Administracións Públicas do 10 de agosto de 1994, da Resolución do 30 de novembro de 1994, do Instituto Nacional de Administración Pública pola que se corríxen erros da Resolución de 26 de outubro de 1994, e conforme ao establecido no Decreto 49/2009, de 26 de febreiro, sobre o exercicio das competencias da Comunidade Autónoma de Galicia respecto dos funcionarios con habilitación de carácter estatal (DOG núm. 52, de 16 de marzo).

4.2. O 30% das prazas (15) ten como destinatarios a profesionais que estean en posesión do título de doutor, licenciado, diplomado, grao, arquitecto, enxeñeiro, arquitecto técnico e enxeñeiro técnico.

4.3. O 30% das prazas (15) ten como destinatarios enxeñeiros de camiños, canles e portos colexiados.

4.4. O 10% das prazas (5) ten como destinatarios a estudantes de enxeñaría de camiños, canles e portos pre-colexiados

No caso de non se encher na súa totalidade a cota de prazas reservadas nos puntos anteriores, estas poderán cubrirse co resto dos solicitantes, na orde de preferencia seguinte:

a) Se non se cobren as prazas do punto 4.1, estas serán ocupadas polos solicitantes dos puntos 4.3, 4.2. e 4.4, por esta orde.

b) No caso de non se cubrir as prazas do punto 4.2, estas serán cubertas polos solicitantes dos puntos 4.1, 4.3 e 4.4, por esta orde.

c) No caso de non se cubrir as prazas do punto 4.3, cubriranse cos solicitantes dos puntos 4.1, 4.2 e 4.4, por esta orde.

d) No caso de non se cubrir as prazas do punto 4.4, ocuparanse cos solicitantes dos puntos 4.2, 4.1. e 4.3, por esta orde.

## PROGRAMA

- Tema 1. Estrutura organizativa do Estado e papel das entidades locais (municipios e deputacións)
- Tema 2. A Lei 7/1985 reguladora das Bases de Réxime Local: competencias e deberes das entidades locais
- Tema 3. Competencias, funcións e responsabilidades do técnico de obras municipal
- Tema 4. Real Decreto Legislativo 3/2011, do 14 de novembro, polo que se aproba o texto refundido da Lei de Contratos do Sector Público. O Real Decreto Legislativo 2/2000 sobre contratos das Administracións públicas
- Tema 5. Responsabilidades patrimoniais das administracións públicas
- Tema 6. Lexislación sobre prevención de riscos laborais: responsabilidades da Administración e dos técnicos municipais
- Tema 7. A Lei 30/1992, de réxime xurídico das Administracións Públicas e do procedemento administrativo común: procedementos, redacción de informes, participación dos cidadáns etc.
- Tema 8. Lexislacións sectoriais con incidencia nas entidades locais (ordenación do territorio, estradas, augas, costas, portos, patrimonio, medio e espazos protexidos etc.)
- Tema 9. A Administración electrónica. Novas tecnoloxías ao servizo da Administración municipal: SIG's, cartografía dixital, fotografía aérea, información de satélites etc.
- Tema 10. O marco legal da ordenación do territorio e do urbanismo en Galicia.
- Tema 11. Instrumentos de ordenación do territorio de ámbito autonómico: Directrices de Ordenación do Territorio, Plan de Ordenación do Litoral
- Tema 12. O plan xeral municipal. Análise técnica e análise administrativa
- Tema 13. O desenvolvemento urbanístico. Os plans parciais, plans sectoriais e plans especiais
- Tema 14. Informes urbanísticos do plan xeral municipal e dos plans especiais
- Tema 15. Os proxectos de urbanización
- Tema 16. Os sistemas de xestión urbanística
- Tema 17. Os convenios urbanísticos
- Tema 18. As licenzas no ámbito municipal
- Tema 19. A disciplina urbanística
- Tema 20. A avaliación ambiental dos plans
- Tema 21. A sostibilidade e a protección do medio no ámbito das entidades locais
- Tema 22. Coordinación e aspectos prácticos da planificación de infraestruturas e servizos con administracións supramunicipais e entidades privadas
- Tema 23. A mobilidade no ámbito da Administración local
- Tema 24. O proxecto das infraestruturas de transporte: estradas urbanas, rúas, ferrocarrís urbanos e metropolitanos, estacións de ferrocarril e autobuses, aparcadoiros, intercambiadores etc.
- Tema 25. O proxecto dos servizos urbanos municipais: abastecemento, saneamento, iluminación pública, control de tráfico, enerxía eléctrica, telecomunicacións, distribución de gas, xestión de residuos sólidos etc.
- Tema 26. Áreas industriais e áreas empresariais
- Tema 27. Os equipamentos e as dotacións públicas
- Tema 28. O proxecto dos espazos libres (prazas, bordos fluviais, litoral, parques etc.)
- Tema 29. Lexislación sobre accesibilidade e a súa incidencia na xestión municipal
- Tema 30. A xestión dos servizos municipais e a relación coas concesionarias. Análise dende o punto de vista técnico e dende o punto de vista xurídico
- Tema 31. A xestión do patrimonio e os bens municipais: adquisición, inventariado, cesión, alienación etc.
- Tema 32. Os proxectos de expropiación, asignación do valor do chan e mutuos acordos.

## CRITERIOS DE SELECCIÓN

Os participantes serán seleccionados por unha comisión técnica independente, designada para o efecto, na que participarán representantes da Escola Galega da Administración Pública, do Colexio de Enxeñeiros de Camiños, Canles e Portos de Galicia, da Federación Galega de Municipios e Provincias, e da Dirección Xeral de Administración Local, e cuxa composición será publicada no portal web da EGAP. A comisión seleccionará os candidatos con discrecionalidade técnica e independencia con respecto aos órganos directivos das tres entidades mencionadas.

Os criterios selectivos para a admisión neste curso serán os seguintes:

9.1. Para os solicitantes incluídos no apartado 4.1, valoraranse:

9.1.1. Posto de traballo actual.

9.1.2. Experiencia profesional independente e distinta da correspondente ao actual posto de traballo, o que se acreditará exclusivamente nos termos sinalados na base 8.1.

Os solicitantes deberán indicar a data exacta (día, mes e ano) de toma de posesión e, no seu caso, de cesamento dos apartados 9.1.1 e 9.1.2.

9.1.3. Formación:

9.1.3.1. Formación recibida:

- a) Títulos oficiais universitarios distintos aos esixidos ou acreditados como requisito para acceder a este curso.
  - b) Cursos ou seminarios recibidos de máis de 200 horas que teñan relación coa materia do curso.
  - c) Cursos, seminarios ou xornadas recibidos entre 40 e 200 horas relacionados coa materia do curso.
- No suposto de que non se consigne o número de horas da actividade formativa, esta non será obxecto de valoración.

#### 9.1.3.2. Formación impartida:

- a) Ensinanzas oficiais universitarias.
- b) Cursos, xornadas e seminarios impartidos que estean relacionados coa materia desta convocatoria.

#### 9.1.4. Outros méritos:

9.1.4.1. Publicacións: libros, revistas técnicas e relatorios ou comunicacións de congresos relacionadas coa materia do curso.

9.1.4.2. Premios e bolsas relacionadas coa materia do curso.

Todos os méritos alegados deberán acreditarse nos termos consignados e serán achegados seguindo a orde establecida nesta convocatoria, presentándose a documentación esixida numerada nos termos desta. A non cumprimentación nos referidos termos supoñerá a non valoración destes.

En todo caso, esta convocatoria rexerese subsidiariamente polos criterios de participación nas actividades docentes da EGAP (DOG núm. 7, do 10 de xaneiro de 2008).

9.2. Para os solicitantes incluídos no apartado 4.2 e 4.3, valoraranse:

9.2.1. Experiencia profesional. Terán prioridade aqueles solicitantes que acrediten mediante certificación emitida polo organismo ou entidade contratante e/ou, se é o caso, mediante copia do contrato, que a súa actividade profesional actual ten relación directa coa materia do curso.

9.2.2. Experiencia profesional independente e distinta da correspondente ao actual posto de traballo, o que se acreditará exclusivamente nos termos sinalados na base 8.1.

9.2.3. Formación:

9.2.3.1. Formación recibida:

- a) Títulos oficiais universitarios distintos aos esixidos ou acreditados como requisito para acceder a este curso.
- b) Cursos ou seminarios recibidos de máis de 200 horas que teñan relación coa materia do curso.
- c) Cursos, seminarios ou xornadas recibidos entre 40 e 200 horas relacionados coa materia do curso.

9.2.3.2. Formación impartida:

- a) Ensinanzas oficiais universitarias.
- b) Cursos, xornadas e seminarios impartidos que estean relacionados coa materia desta convocatoria.

9.2.4. Outros méritos:

9.2.4.1. Publicacións: libros, revistas técnicas e relatorios ou comunicacións de congresos relacionados coa materia do curso.

9.2.4.2. Premios e bolsas relacionadas coa materia do curso.

9.3. Para os solicitantes incluídos no apartado 4.4, valoraranse:

9.3.1. Experiencia académica. Valorarase o maior nivel alcanzado de estudos.

9.3.3. Formación:

9.3.3.1. Formación recibida:

- a) Títulos oficiais universitarios distintos aos esixidos ou acreditados como requisito para acceder a este curso.
- b) Cursos ou seminarios recibidos de máis de 200 horas que teñan relación coa materia do curso.
- c) Cursos, seminarios ou xornadas recibidos entre 40 e 200 horas relacionados coa materia do curso.

9.3.3.2. Formación impartida:

- a) Ensinanzas oficiais universitarias.
- b) Cursos, xornadas e seminarios impartidos que estean relacionados coa materia desta convocatoria.

9.3.4. Outros méritos:

9.3.4.1. Publicacións: libros, revistas técnicas e relatorios ou comunicacións de congresos relacionados coa materia do curso.

9.3.4.2. Premios e bolsas relacionadas coa materia do curso.

A comisión poderá establecer cotas para garantir o carácter interdisciplinario e interadministrativo nos grupos de traballo que se establezan, de acordo coas solicitudes recibidas. Así mesmo, resolverá as alegacións e reclamacións que se puidesen suscitar.

### 3. DATOS EDICIÓNS

#### ACORUÑA

**LOCALIDADE:** A Coruña

**INICIO / FIN:** 10/01/2014 a 26/04/2014

**NUM. PRAZAS:** 50

**ESTADO:** NORMAL - (SELECCIÓN DISP.)

**DATA EXAME:**

#### DOCENTES NOMEADOS

NON HAI INFORMACIÓN DISPOÑIBLE

#### LUGAR DE REALIZACIÓN DO EXAME

**SEMINARIO C (antiga):** O día 11 de xullo de 16:00 a 20:00. EGAP, Rúa Madrid, 2-4, CP15707, SANTIAGO DE COMPOSTELA

**SEMINARIO D (antiga):** O día 11 de xullo de 16:00 a 20:00. EGAP, Rúa Madrid, 2-4, CP15707, SANTIAGO DE COMPOSTELA

Colexio de Enxeñeiros de Camiños, Canles e Portos de Galicia. Praza da Milagrosa, núm. 2, entresollado.